

§. 6. Suspectus, ob *dolum remotus*, fit infamis, non ob *culpam* §. fin. C. h. t.

Lata culpa æquiparatur dolo L. quod Nerua 32. ff. depos. scilicet si ad interesse ciuile, non si ad pænam agatur.

§. 7. Interdicitur tutori *administratio* durante suspecti cognitione: hæc vero morte eius finitur. §. 8.

§. 8. Paupertas neminem facit suspectum, sed mores L. 8. ff. b. t.

## LIBRI. II. TIT. I.

### De

## RERVM DIVISIONE, ET ACQVIRENDI IPSARVM DOMINIO.

Pr.

**R**es ad iurisprudentiam pertinent non quatales, sed quatenus acquirendæ, conferuandæ & transferendæ L. vlt. ff. de LL.

Sunt vel in *patrimonio*, vel *extra patrimonium*, hoc est, vel in *commercio*, vel *extra commercium*.

§. 1. RES COMMUNES sunt, quarum usus omnibus gentibus patet, proprietas vero nullius est.

Quocunque iure naturæ ita comparatum est, ut certis reip. limitibus includi nequeat, illud dicitur commune omnium hominum, v. g. aer, aqua profluens, mare, &